



Pou Piblikasyon Imedya: 15/07/2023

GOUVÈNÈ KATHY HOCHUL

**GOUVÈNÈ HOCHUL AVÈTI NOUYÒKÈ YO KONSÈNAM POTANSYÈL
INONDASYON ANDISYONÈL NAN ZÒN LI TE AFEKTE ANVAN YO PLISKE YO
PREVWA PLIS LAPLI NAN WIKENN LAN**

*Yo prevwa de a twa pous lapli nan kèk pati nan Mid-Hudson ak Rejyon Kapital la,
ak total lokalman ki pi wo ki rive jiska senk pous, ka lakòz plis inondasyon
toudenkou nan zòn ki deja devaste yo*

*Ekipman preparasyon Divizyon Sekirite Teritwa ak Sèvis pou Ijans yo, Ekip Sekou
kont Inondasyon, sak sab ak ponp dlo nan Konte Orange*

*Ajans yo nan Eta a ap siveyans kondisyon meteyo yo epi yo pare pou deplwaye
lòt resous, si sa nesesè*

*Gouvènè a ankouraje Nouyòkè yo pou yo siveye kondisyon metewolojik yo ak
devlope yon plan nan ka inondasyon*

Jodi a, Gouvènè Kathy Hochul te avèti Nouyòkè yo paske lapli ak tanpèt loraj yo prevwa kontinye pandan wikenn nan ak nan semèn pwochèn. Yo prevwa yon lòt de a twa pous lapli pou kèk pati nan Mid-Hudson ak Rejyon Kapital la, kote teren an deja satire, epi nivo rivyè ak kouran dlo yo toujou ap monte akòz tanpèt yo byen bonè nan semèn sa a. Kantite presipitasyon lapli ki pi wo ki rive jiska senk pous posib. Gwo lapli ki soti nan tanpèt yo nan wikenn sa a ka lakòz inondasyon toudenkou nan kote ki te afekte deja. Gouvènè Hochul te ankouraje Nouyòkè yo pou yo kontwole previzyon lokal yo pou dènye kondisyon metewolojik yo epi pou yo enskri pou alèt ijans yo.

"Kominote atravè New York te devaste pa gwo lapli ak inondasyon pandan semèn pase a, epi n ap kontinye rete vijilan pou plis enpak move tan nan wikenn sa a". **Gouvènè Hochul te deklare.** "Ekip mwen an ap siveye previzyon an ak anpil atansyon epi nou pare pou ede patnè gouvènman lokal nou yo nan ka ta gen plis inondasyon toudenkou."

Ajans eta yo an kominikasyon konstan ak patnè gouvènman lokal yo atravè eta a epi yo pare pou reponn nenpòt lòt demann pou asistans. Deja, Divizyon Sekirite Enteryè ak Sèvis Ijans lan (Division of Homeland Security and Emergency Services, DHSES) te deja deplwaye yon machin repons ki gen esye elve ak yon ekip sovtaaj rapid nan dlo nan

rezè li a tou pre Konte Orange pou yon repons rapid. DHSES ap bay tou sak sak ak ponp dlo pou bese enpak inondasyon nan zòn ki deja devaste yo.

Komisè Divizyon Sekirite Teritwa ak Sèvis pou Ijans Eta a (Division of Homeland Security and Emergency Services), Jackie Bray, te deklare, "Yo prevwa plizyè pous lapli adisyonèl nan rejyon k ap rekipere apre inondasyon semèn pase a. Ekip nou an ap siveye previzyon an ak anpil atansyon jodi a ak demen epi li prepare pou l deplwaye lòt resous jan sa nesèsè nan tout eta a."

Tout pati lès eta a kounye a anba yon Siveyans Inondasyon, jiska aswè a, ki gen ladan Rejyon North Country, Rejyon Kapital, Mohawk Valley, Mid-Hudson, Vil New York ak Long Island. Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan <https://alerts.weather.gov>.

Nou ankouraje Nouyòkè yo pou yo enskri pou NY Alert, sistèm alèt ijans gratis Eta a, nan alert.ny.gov. Yo ka voye enfòmasyon ijans konte pa konte pa tèks oswa imèl.

Plis Preparasyon Ajans Eta yo

Depatman Transpò (Department of Transportation)

Depatman Transpò Eta a prepare pou reponn ak evènman metewolojik k ap vini an ak prèske 3,500 operatè ak sipèvizè ki disponib nan tout eta a. Kantite ekipman ki genyen nan tout Eta a repati konsa:

- 1,402 gwo kamyon abèn baskil
- 321 gwo chajè
- 82 dechiktèz
- 79 ekskavatis ak wou ak cheniy
- 32 platfòm tou trafik
- 20 kamyon aspiratè ak jè egou
- 15 ekip pou pyebwa avèk kamyon nasèl

Otorite Thruway

Anplwaye Otorite Thruway la ap siveye previzyon meteyo a epi li genyen 653 operatè ak sipèvizè ki prepare pou reponn a nenpòt pwoblèm ki an rapò ak van oswa inondasyon nan tout Eta a yo avèk eskavatis ki piti pou rive nan sa ki gen tay mwayen yo, kamyon chasnèj/baskil yo, gwo kamyon chajè yo, pano VMS pòtab yo, poto limyè pòtab yo, jeneratis ki pi piti yo, ponp ki pi piti ak trelè pou transpòte ekipman yo, ansanm ak aparèy siyalizasyon ak lòt aparèy kontwòl sikilasyon ki disponib pou nenpòt detou oswa fèmte yo. Yo itilize Pano pou Mesaj Varyab (Variable Message Signs) ak rezo sosyal yo pou avèti otomobilis yo sou kondisyon move tan pandan yo sou Thruway la.

Kantite ekipman ki genyen nan tout Eta a repati konsa:

- 354 Gwo Kamyon Baskil Abèn ak Ti Kamyon
- 60 Gwo Chajè
- 31 Trelè
- 5 Kamyon Aspiratè
- 13 Ekskavatris
- 8 dechiktèz ak bwòs
- 100 Twonsonez
- 23 kamyon aeryen
- 21 Chajez ak Direksyon
- 83 Jeneratris Pòtab
- 68 Inite Ekleraj Pòtab

Otorite Thruway ankouraje otomobilis yo telechaje aplikasyon mobil li yo , ki disponib pou download gratis sou aparèy iPhone ak Android. Aplikasyon an bay otomobilis yo aksè dirèk ak kamera sikilasyon yo nan tan reyèl, enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou imèl TRANSalert ki bay dènye kondisyon sikilasyon yo sou otowout Thruway, suiv @ThruwayTraffic sou Twitter epi vizite thruway.ny.gov pou wè yon kat anime k ap montre kondisyon sikilasyon an sou otowout Thruway ansanm avèk lòt wout Eta New York yo.

Depatman Sèvis Piblik

Sèvis piblik New York yo genyen apeprè 5,500 travayè disponib pou angaje nan evalyasyon domaj, efò entèvansyon, reparasyon ak restorasyon atravè Eta New York, pou evènman sa a. Pèsonèl ajans lan ap swiv travay sèvis piblik yo pandan tout evènman an epi sire sèvis piblik yo voye anplwaye apwopriye yo nan rejyon ki gen pi gwo enpak yo.

Lapolis Eta New York

Lapolis Eta a prepare pou li deplwaye manm Patwouy anplis, jan sa nesesè, pou ede zòn ki afekte yo. Tout veyikil Lapolis Eta a ki espesyalize yo, tankou veyikil kat-pa-kat ak veyikil itilite yo (UTV) deja an pozisyon epi yo prè pou yo reponn imedyatman. Yo te teste tout ekipman alimantasyon elektrik ak ekipman kominikasyon ijans Twoup la yo.

Depatman Konsèvasyon Anviwònmanal (Department of Environmental Conservation)

Ofisye Lapolis Pwoteksyon Anviwònman DEC yo, Gad Forè yo, anplwaye Jesyon Ijans yo, ak anplwaye rejyonal yo nan eta dalèt epi yo ap siveye sitiyasyon ki ap devlope a epi yo aktivman ap fè patwouy nan zòn ak enfrastrikti ki gen anpil chans pou yo afekte poutèt move tan. Tout resous ki disponib yo, ki gen ladan ekip rapid pou sovtaj nan dlo yo nan pozisyon pou yo ede nan nenpòt repons ijans.

Avèk posiblite pou gwo lapli, [yo konseye randonè yo nan Adirondacks](#) pou evite tanporèman tout santye ki gen altitud wo yo ak santye ki travèse rivyè ak kouran dlo yo. N ap ankouraje randone yo tcheke [Paj Web Enfòmasyon sou zòn Kanpay Adirondack](#)

[la](#) pou mizajou sou kondisyon santye yo, fèmte sezonye yo, ak enfòmasyon lwazi jeneral pou Adirondacks yo, sitou apre inondasyon ki sot pase yo.

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

Lapolis Pak Eta New York ak anplwaye pak yo rete alète epi y ap swiv depre kondisyon metewolojik ak enpak yo. Vizitè pak yo ta dwe vizite parks.ny.gov, tcheke aplikasyon mobil gratis NY State Parks Explorer oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fèmte yo.

Konsèy Sekirite pou Move Tan

Founiti nan Ka Katastwòf

Kenbe twous katastwòf la sou men, avèk ladan:

- Flach ak pil siplemantè
- Radyo ki fonksyone ak batri ak batri ekstra yo
- Twous premye swen ak manyèl
- Manje ak dlo pou ijans
- Kle ki pa elektrik pou ouvri kanèt yo
- Medsin esansyèl yo
- Chekye, lajan kach, kat kredi, kat ATM

Inondasyon Eklè

- Pa janm eseye kondi nan yon wout ki inonde. Vire tounen epi fè yon lòt wout.
- Si dlo a kòmanse monte rapid bò kote ou, abandone machin lan imedyatman.
- Pa souzestime pwisans destriksyon dlo k ap kouri vit. De pye dlo inondasyon k ap kouri rapid pral fè machin ou flote epi dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou yon pon.

Zeklè

- Swiv enstwiksyon 30-30: Si tan ant moman ou wè ekla zeklè an epi koute kout loraj la se 30 segonn oswa mwens, kout zèklè an pre ase pou li frape ou. Chèche abri imedyatman. Apre dènye ekla zeklè an, rete tann 30 minit anvan ou soti nan abri ou an.
- Kout zèklè yo frape bagay ki pi wo an. Si ou sou yon liy pye bwa, kouri ale anba l epi kwoupi si ou nan yon zòn ki ekspoze.
- Si ou pa kapab ale nan yon abri, rete lwen pye bwa yo. Si pa gen abri, kwoupi nan zòn ki ekspoze, epi rete lwen a yon distans doub fwa longè pye bwa a.

Tònad

- Si ou deyò, epi yo pibliye yon Avètisman Tònad, chècheabri imedyatman. Si w pa gen okenn kote tou prè w pou w mete w alabri, kouche plat atè nan yon fose oswa yon kote ki ba epi mete men w sou tèt ou.
- Si ou lakay ou oswa nan yon ti bilding, ale nan sousòl lan oswa nan yon pyès pa andedan nan etaj ki pi ba a. Pa kanpe bò fenèt yo. Plaka, chanm deben, ak lòt espas chanm enteryè yo ap pwoteje w pi byen. Antre anba yon bagay ki solid oswa kouvri tèt ou ak yon matla.
- Si ou nan yon lekòl, yon lopital, oswa yon sant komèsyal, ale nan zònabri yo deziyen alavans lan. Pa kanpe nan espas ouvè ki laj yo aswa bò fenèt yo. Pa soti deyò pou al nan machin ou.
- Si ou nan yon bilding ki wo anpil, ale nan yon ti pyès pa andedan oswa nan koulwa nan etaj ki pi ba posib lan. Pa pran asansè - pran eskalye pito.

Pou jwenn plis enfòmasyon sou preparasyon pèsonèl ak kijan pou rete an sekirite pandan move tan vizite: <https://www.dhss.gov/safety>.

###

Lòt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)